

SANITÉ: La farmacia Pütia a Picolin é stlütta dai 15 ai 22 d'otober 2023.

Le dotur Eduard Agreiter é demez dai 9 ai 11 d'otober y vëgn sostituf dala doturia Grete Mahlkecht 349 06 67 034.

PLOANIES SAN MARTIN Y LUNGIARÜ

Dales 16.00 dl 10 (vëndres) cina les 10.00 dl 11 (sabeda) de novëmber 2023 pó i paisc Antermëia, Lungiarü y San Martin indò dé jö i sac dla caritas tla zona sportiva de Pradel. I sac é da ciafé apé de dljia.

Le KVW da La Val mët a jí en colauraziun cun le Consëi de Formaziun deplü incuntades de meditaziun/contemplaziun. En vëndrers, ai 6 d'otober, dales 8.30 é tl pice salf de comun na introduziun. Les incuntades sará spo dui iadi al mëis, de vëndres, da otober a jügn dales 8.30 ales 10.00 tl pice salf. Informaziuns pro Alma: 329 05 26 470 o Elisabeth: 333 86 71 660.

SAN MARTIN

Düc é dër bel inviá da tó pert ala prozesciun cun linternes sön le tru de meditaziun da Pradel demez en vëndres, ai 6 d'otober, dales 18.30. Al é passé 20 agn dala santificaziun de siur Ojöp da Oies che é sté dui agn caplan y maester a San Martin dal 1876 al 1878 y i orun porchël rengrazié deboriada.

La ploania da S. Martin tēgn la Festa di Maridá lubilars la domënia, ai 15 d'otober. Düc chi che é 10, 15, 20, 25, 30, 35, 40, 45, 50, 55, 60 agn maridá é dër bel inviá ala Gran Mëssa y dedò a n pice aperitif tl salf di stödafüch.

Al vëgn injunté a chësta plata informaziuns da pert dl Consëi de Cöra.

LUNGIARÜ

I oressun ciamò daidé recordé da paié ite le contribut por la cöra (35 euro por aduic, 10 euro por studënc y 5 euro euro por mituns dla elementara) che pó gni paiá pro la Raika IBAN: IT 63 K 08010 58830 000304004931. Bel dilan a chi che á bele paié. Ma sce düc dëida, sunse bugn da jí inant.

Ginastica por ëi y ères cun Cristina Salton metüda a jí dal KVW: movimënt, stabilité, ecuiliber y prevenziun tla palestra da Lungiarü ai 03, 10, 17 y 24 d'otober y ai 07, 14, 21 y 28 de novëmber dales 19.30 ales 20.30. Cost 40 euro porom. Iscriziuns pro Annamaria 338 73 75 305

"Sucht beginnt im Kindesalter" referat cun Edmund Senoner de Bad Bachgard tl Zënter dla jonëza y cultura SaJ.1 La lla, en mercuri ai 4 d'otober dales 19.30. Ci adora pa mituns y jogn por ne tomé nia tla dependënza? Cares é pa les sostanzas plü prigoroses y s'an les moscëda? Olá pó pa porsones atocades, familiars, amisc y conescënc damané do y ciafé aiüt? N testimonial nes cuntará ince de süa esperiënza personala. Ala fin dla sëra pón ciarcé cocktails de vigni corú y saú, arjgná ca zënza alcol dal barist Remy Vollmann. Le referat gnará tigní por todësch. Organisé dal Comité de Raiun Val Badia adömcun l'Apcat/Alkoholkrankenverband y le Sorvisc ai Jogn.



Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

01.10. - 08.10.23 n. 45

unitepastorala.org

ultimo termo por comunicaziuns: jöbia, dales 20.00

26^a Domënia ia por l'ann A

Vangele do san Matí 21,28-32


Te chël tēmp ti à Gejù dit ai gragn proi y ai plü vedli dl popul:
Cí minëise pa os? N om á dui mituns. Al é jü dal pröm y à dit:
Va incö a laurè tla vigna! Al à respognü: Scê, Signur!, mo al n'è nia jü.
Spo é jü dal secundo fi y ti à dit le medemo. Chësc à respognü: I n'ò nia.
Mo spo ti àra moiü, y é impò jü. Cal di dui à pa fat la orentè de so pere?
Ai à respognü: Le secundo. Sön chëra
ti à Gejù dit: Amen, chël ves diji:
I publicans y les prostitutes röia plü sauri
tl rēgn de Dî co os. Jan é gnü a ves mostrè
le tru dla iustizia, y os ne ti èis nia cherdü;
mo i publicans y les prostitutes ti à cherdü.
Os indere èis odü chëstes cosses, y impò
ne s'àra nia moiü y ne ti èise nia cherdü.



*Tl pröm momënt ne ti é a tröc gonot nia tler, ci ch'ai ó y ci ch'ai dess dí.
I podun düc se falé sciöche i dui fis tla parabola y dí ci ch'i nes vëgn imënt.
Pro vigni dezijiun ch'i toln pól capitè valch olach'i messun spo mudé tru.*

*Tla parabola de Gejù indere se tratera da fá ci ch'an á dit da fá.
Mia resposta dess corespogne y ester intiera, avëi parora y opera, cör y man.
I ne dess nia ester un che bandorëia ia y cá; vigni de pói porvé da ne l'ester nia:
tles parores ch'i diji, tles respostes chi dá y ince ti pinsiers ch'i armöi
y da chi ch'i me lasci armöie. Da fá chësc á ocajiuns assá.*

*Gejù m'inviëia da vire deplëgn.
Gejù nes á daurí le tru tl rēgn de Dî sciöche degügn d'atri denant,
y por chësc tru messunse jí cun corp a anima, cun cör y opera,
cun döta nosta porsona.*

EDEMA - ANN "A"	SAN MARTIN	LUNGIARÜ	INFORMAZIUNS
01.10.23 26^a Domènia dl ann A DOMÈNIA DL ROSARE	9.40 Prozesciun dl Rosare da dljia ite dala ciasa de palsa 10.00 <u>Gran Mëssa tla Ciasa de Palsa</u> en onur de S. Ojöp Frëinadamez por la familia de Giovanni Chizzali	7.50 Corona 8.15 Liturgia dla Parora	Referat "Tecniches da conservé la ordöra cun rezêtes" cun Martina Irsara da Prettau en sabeda ai 07 d'otober dales 14.00 - 18.00 tla ciasadafüch dla scora da Lungiarü. Se prenoté cina ai 05 d'otober pro Lucia 338 99 18 326; aplü por 15 porsones.
02.10.23 <i>Agnui Custodi</i> Lönesc			En lönesc, ai 2 d'otober. dales 19.30 él tla Ciasa de Palsa a San Martin n referat
03.10.23 <i>Josef Mayr-Nusser</i> Dedolönesc	<i>degöna mëssa</i>		"Medizinisches Cannabis für Senioren und Patienten mit chronischen Krankheiten" cun le dr. Gastmeier Knud por todësch cun traduziuns tl talian.
04.10.23 <i>Francësch d'Assisi</i> Dedemesaledema	18.00 Corona d'otober		Le Museum Ladin inviëia a dui laboratori creatifs por mituns y mitans:
05.10.23 <i>Faustina Kowalska</i> Jöbia			- <i>Ert sön funz dl mer</i> , en vëndres, ai 06 d'otober, dales 15.00 ales 17.00 tl Museum a San Ciascian por mituns y mitans dla elementara.
06.10.23 Pröm vëndres <i>Bruno, Renat</i>	18.30 Prozesciun cun linternes da Pradel do le tru de meditaziun 19.00 Mëssa dl pröm vëndres en onur de Sant Antone	7.00 Ora d'adoraziun 7.30 Mëssa en onur di Agnui Custodi por i nüc Daniel Schanung y Karin Ploner + Burgl Schanung	- <i>Trienala Ladina for kids</i> , en mercui, ai 18 d'otober dales 15.00 ales 17.00 tl Museum de Tor, por mituns y mitans dai 7 ai 10 agn. Le numer de partezipaziun a trami i workshop é limité a 15 posc, porchël prenotésse al nr. 0474-524020 o prenotaziuns@museumladin.it Le cost de partezipaziun é de 5 € por möt/a.
07.10.23 Sabeda <i>Santa Maria dl Rosare</i> 15.00 Mëssa y traslaziun dla Santa Crusc	13.00 Mëssa da noza de Karin Ploner y Daniel Schanung 18.30 Mëssa prefestia + Maria Pedevilla + Teresa Pedevilla dl ann + Maria Unterweger		Cina ai 15 de dezëmber 2023 pól gní fat les iscriziuns ala scora mesana „Maria Hueber“ tl Herz Jesu Institut a Mühlbach cun internat por mitans por l'ann de scora 2024/25. Info 0472/849727 o sekretariat@herzjesu-institut.it
08.10.23 27^a Domènia dl ann A 15.00 Prozesciun a S. Linert cun Chël Bel Dî da La Crusc	9.00 Corona por vocaziuns 9.30 Liturgia dla Parora	Festa dla Segra da Lungiarü 7.50 Corona 8.15 Gran Mëssa por la Comunità + Franz y Zilia Pezzei, Ghestan dl ann + Nando Clara dl ann + Ida Nagler Clara + Roslinda Deiacó vis y def. de Camura	 I periun do l'intenziun dl Papa tl mëis d'otober por la Sinoda Mondiala, che la Dlijia vires a vigni nivel n stil de vita, che é caraterisé dal ascuté y dal dialogh y ch'ara se lasces mené dal Spirit Sant cina fora tles periferies dl monn.